

UGOVOR o nabavci roba

Između:

1. **JU OŠ „Hilmi ef. Šarić“ Tarčin**, koju zastupa direktor Zineta Bajrić (u daljem tekstu: Naručilac)
2. **LUMBERJACK d.o.o. Sarajevo**, ulica Stupska bb, Ilidža, koga zastupa direktor Muhamed Helać (u daljem tekstu: Dobavljač)

a nakon provedenog postupka javne nabavke u skladu sa odredbama Zakonom o javnim nabavkama BiH (Sl.glasnik BiH, br. 39/14 i 59/22) i podzakonske regulative, – postupku dodjele ugovora putem “konkurentskog zahtjeva”– Obavještenje o nabavci broj 258-7-1-1-3-1/23 od 16. 02. 2023. godine i Odluke o izboru najpovoljnijeg ponuđača broj 01-3-188/23 od 03. 04. 2023 godine.

PREDMET UGOVORA

Član 1.

Ugovorene strane su saglasne da je predmet ovog ugovora obavljanje poslova/ nabavka i isporuka roba po programu/projektu „**Energent za zagrijavanje školskih prostorija (pelet)**“, JU OŠ Hilmi ef. Šarić“ Tarčin u 2023. godini, profesionalno i prema standardima (kvalitetu), odnosno regulativi važećoj u FBiH/BiH za ovu vrstu poslova, prema vrsti, kločini i pojedinačnim cijenama utvrđenim u Ponudi Dobavljača broj: 22/23 od 22.02.2023. godine, koja je sastavni dio ovog ugovora, a sve po utvrđenoj vremenskoj dinamici i iskazanim potrebama za predmetnim robama i pisanim narudžbenicama/narudžbama (zahtjevima) Naručioca i upustvima ovlaštenog predstavnika Naručioca.

Član 2.

Naručilac svojim zahtjevom Dobavljaču naručuje određene ugovorene a potrebne poslove (po segmentima-sukcesivno), na osnovu iskazanih potreba, u vremenu trajanja ovog ugovora, a do konačne realizacije ugovora.

CIJENA

Član 3.

Vrijednost poslova iz člana 1. ovog ugovora iznosi 17360,00 **KM**, (slovima: sedamnaest hiljadatristošesdeset KM), bez uračunatog PDV-a.

Jedinične cijene poslova/nabavki i isporuka roba, iz člana jedan ovog Ugovora su date u prihvaćenoj Ponudi Dobavljača broj 22/23 od 22.02.2023. godine.

Konačna vrijednost izvršenih poslova (nabavki i isporuka roba) utvrdiće se na osnovu umnoška fiksne jedinične cijene i tačnih količina iz odgovarajućih akata-dokumenata isporuke roba ovjerenog od strane ovlaštenog predstavnika JU OŠ „Hilmi ef. Šarić“ Tarčin i Dobavljača, za svaki naručeni segment, odnosno vremenski period izvršenja.

Ugovor, u smislu cijena, se može mijenjati samo ako su ispunjeni uslovi iz člana 75. Zakonom o javnim nabavkama BiH (Sl.glasnik BiH, br. 39/14 i 59/22).

Član 4.

Plaćanje predmetnih nabavki usluga i roba Naručilac će izvršiti iz namjenskih sredstava budžeta Kantona Sarajevo za 2023. godinu, budžetska organizacija 240030027, a plaćanje će se izvršiti sa ekonomskog koda 613215, putem Ministarstva finansija KS, odnosno plaćanje cijene iz člana 3. ovog Ugovora vršit će se na slijedeći način:

- bez avansa,
- u 100 % iznosu, nakon okončanja datog segmenta poslova, a po ispostavljanju i ovjeri privremene-konačne situacije, odnosno računa, za pojedine poslove, odnosno segment ili vremenski period nabavki (mjesečno ili dr.), a putem/preko Ministarstva finansija KS, u skladu sa zakonom.

Situaciju – račun Dobavljač je dužan ispostaviti u 4 (četiri) istovjetna uredno ovjerena primjerka od kojih svaka strana zadržava po 2 (dva).

Dobavljač je dužan izdati / sačiniti fakturu u skladu s odredbama pozitivnih propisa iz oblasti poreza i Ponudom, u suprotnom ista neće biti plaćena i bit će vraćena Dobavljaču na usklađivanje.

U slučaju osporavanja računa/situacije ili dijela istog, od strane ovlaštenog predstavnika Naručioca i eventualnog supervizora Naručioca (naknadno određenog posebnim aktom), isplaćuje se nesporni dio iznosa, a sporni dio će biti plaćen nakon postizanja sporazuma oko problema koji je rezultirao sporom.

Član 5.

Naručilac će ugovorena novčana plaćanja vršiti putem virmana na dostavljeni žiro-račun Dobavljača.

ROKOVI

Član 6.

Āok za početak vršenja poslova (nabavki roba), a po obostranom potpisivanju Ugovora, a kompletna isporuka roba koja je predmet nabavke će se izvršavati najdalje do 31.12.2023. godine, a prva isporuka od ukupno 20 tona izvršit će se u roku od 7 (sedam) dana od dana zaključivanja ugovora, a ostatak sukcesivno, a po zahtjevima naručioca, najkasnije do 31.12.2023. godine, u toku trajanja ugovora, a do konačne realizacije ugovora koji se evidentira od ovlaštenog predstavnika Naručioca.

Vremenski period trajanja ovog ugovora je maksimalno do 31.12.2023 godine.

U slučaju neopravdanog prekoračenja/neispunjenja rokova iz predhodnih stavova ovog člana, Naručilac posla zaračunavat će zateznu kamatu po stopi od 0,5% ili će jednostrano raskinuti Ugovor, o čemu će blagovremeno obavijestiti Dobavljača (sa navodima o razlozima jednostranog raskida ugovora i obaveznim uslovima postupanja nadalje po istom).

Ugovorena kazna nemože biti veća od 10% ukupne vrijednosti poslova po ovom ugovoru.

Ukoliko Naručilac zbog zakašnjenja Dobavljača pretrpi štetu koja je veća od 10% ukupne vrijednosti Ugovora, ima pravo zahtijevati razliku do pune naknade štete, u skladu sa važećom regulativom u FBiH/BiH.

Naručilac će umjesto zaključenja pojedinačnih ugovora (za dati-naručeni segment poslova) Dobavljaču dostavljati pisani zahtjev/narudžbu.

O B A V E Z E

Član 7.

Dobavljač se obavezuje da će obavljanje poslova/nabavki i isporuka roba po projektu/programu: „Energent za zagrijavanje školskih prostorija (pelet)“, JU OŠ „Hilmi ef. Šarić“ Tarčin u 2023. godini, vršiti u skladu sa Ponudom, zakonskim i podzakonskim aktima, odnosno normativima i standardima (regulativi) za predmetne nabavke i isporuke važećim u F BiH, profesionalno, te se obavezuje da će ispoštovati slijedeće uslove:

a) Isporuka roba će se obavljati na lokaciji – objekat JU OŠ „Hilmi ef. Šarić“ Tarčin;

b) Uz robu, za koju je to predviđeno, prilaže se tehnička dokumentacija, odnosno dokazi o kvalitetu (na zahtjev Naručioca) na jednom od zvaničnih jezika BiH u skladu sa deklaracijom predmetnih roba, te eventualno upustvo o upotrebi i korištenju;

c) Dobavljač je obavezan otkloniti sve nedostatke u toku upotrebnog/garantnog roka, a koja su rezultat:

- korišćenja nekvalitetnih materijala, grešaka kod proizvodnje, transporta, isporuke i sl.,

- propusta od strane isporučioca nastalih u toku garantnog/upotrebnog perioda,

- propusta uočenih tokom kontrole od strane Naručioca.

Član 8.

Dobavljač je dužan prije isporuke naručenih roba dostaviti Naručiocu uzorke istih, Nadzorni organ provjeriti zahtjevani-ponudeni kvalitet roba, te kao takvih prihvatiti ili ne, sukladno Ponudi i važećoj regulativi.

Na zahtjev Naručioca (koji će kontrolu kvaliteta predmetnih roba vršiti na uobičajen način za date poslove, u BiH) Dobavljač je dužan otkloniti sve manjkavosti u toku i po završetku posla-iskoruke, odnosno internoj tehničkoj primopredaji poslova, a ne kasnije od 48 (četrdesetosam) sati, od dana reklamacije (dostave pisane obavijesti od strane Naručioca Dobavljaču), uključujući dostavu adekvatnih potvrda o kvaliteti predmetnih roba na jednom od jezika u BIH (potvrde-uvjerenja o kvalitetu koje su određene prema važećim standardima i certifikatima).

Dobavljač se obavezuje priznati reklamaciju na kvantitet i kvalitet isporučenih roba, koja će biti propraćena odgovarajućom dokumentacijom - zapisnikom uz obavezno navođenje broja i datuma roba i računa Dobavljača kako bi se zadovoljili uslovi reklamacijskog roka.

U slučaju da Dobavljač ne dostavi zahtjevani kvalitet roba u ponovljenom zahtjevu (u roku od tri dana), Naručilac posla zadržava pravo jednostranog raskida ovog ugovora.

Rok završetka poslova /nabavki i isporuka roba (za dati-naručeni segment) po projektu/programu: „Energent za zagrijavanje školskih prostorija (pelet)“, JU OŠ „Hilmi ef. Šarić“ Tarčin u 2023.godini, je maksimalno 3 (tri) kalendarska dana, od trenutka prijema predmetne narudžbe/zahtjeva.

U slučaju neopravdanog prekoračenja roka iz stava 1. i 3. ovog člana, Naručilac posla zaračunavat će zateznu kamatu u skladu sa Zakonom o obligacionim odnosima u iznosu od 0,5% naručenog segmenta roba, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti ugovora. Takođe, Naručilac stiče pravo otklanjanja reklamiranih nedostataka angažovanjem drugih, a na račun Dobavljača.

Član 9.

Dobavljač je dužan voditi svu potrebnu dokumentaciju (u skladu sa Zakonom i podzakonskim aktima) i omogućiti Nadzornom organu uvid u evidenciju i nabavke/iskoruke. Sva sporna rješenja u izvršnom postupku rješavat će Dobavljač i Nadzorni organ u pravcu kvalitetnijeg rezultata posla.

Ovlašteni predstavnik – nadzorni organ, Naručioca je (uposlenik) Nermin Subašić.

ZAVRŠNE/OSTALE ODREDBE

Član 10.

Ugovorne strane su saglasne da do raskida ovog Ugovora može doći ako Dobavljač ne bude izvršavao svoje obaveze u rokovima i na način predviđen Ugovorom :

- ako Dobavljač bez pismene saglasnosti Naručioca ustupi trećim osobama poslove koji su predmet ovog Ugovora,
- ako izvrši zapošljavanje/angažiranje, u svrhu realizacije ugovora o javnoj nabavci, fizička ili pravna lica koja su bila u svojstvu člana ili stručnog lica koje je angažirala Komisija, najmanje šest mjeseci po zaključivanju ugovora, odnosno od početka realizacije ugovora,
- ako Dobavljač dođe u situaciju da ne može izvršiti svoje obaveze iz Ugovora, odnosno u slučaju kada Naručilac ustanovi da kvalitet roba ili način na koji se dostavljaju, odstupa od traženog odnosno ponuđenog kvaliteta i dr. iz ponude Dobavljača,
- ako je neopravdano zaostajanje u isporuci radova koje je veće od 20% ugovorenog roka,
- ukoliko nadležni organi ponište ili na bilo koji drugi način, stave van snage bilo koji akt na temelju kojeg je zaključen ovaj okvirni sporazum/ugovor (Agencija za javne nabavke BiH, Ured za razmatranje žalbi, nadležni sud i sl),
- u slučaju da se osoblje Dobavljača nepridržava svojih obaveza, nedolično ponaša tokom obavljanja posla i u drugim slučajevima nesavjesnog obavljanja posla.

Naručilac je obavezan da u slučaju uočavanja propusta u obavljanju posla pisanim putem pozove Dobavljača i da putem zapisnika zajednički konstatuju uzrok i obim uočenih propusta. Ukoliko se Dobavljač ne odazove pozivu Naručioca, Naručilac ima pravo da angažuje treća lica na teret Dobavljača i pravo raskida ugovora.

Ugovor se raskida obaviješću u pisanom obliku koja se dostavlja drugoj ugovornoj strani. U obavijesti mora biti naveden razlog zbog kojeg se Ugovor raskida.

Ako se Ugovor raskine krivnjom Dobavljača, Naručilac mu je dužan platiti nesporno izvršene usluge, dok je Dobavljač dužan Naručiocu naknaditi štetu koja mu je nastala raskidom ugovora.

Član 11.

Ukoliko i nakon datuma isteka krajnjeg roka ovog ugovora bude potrebe za predmetnim poslovima (nabavkama roba), a do tada ne bude donešena nova Odluka o izboru pravnog lica za obavljanje predmetnih poslova, ugovorene strane su saglasne da će Dobavljač na zahtjev Naručioca obaviti iste, po uvjetima iz ovog ugovora, odnosno po istim jediničnim cijenama iz Ponude, u skladu sa zakonom utvrđenim standardima (regulative) za ovu vrstu poslova, uz mjesečne rokove plaćanja po ispostavljenim situacijama.

Član 12.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

U slučaju spora po ovom ugovoru strane će ga nastojati rješavati sporazumno i u duhu dobrih poslovnih običaja, sukladno važećoj regulativi.

Ako u tome ne uspiju, spor će se rješavati pred Općinskim sudom u Sarajevu.

Član 13.

Ovaj ugovor sačinjen je u 6 (šest) istovjetnih primjeraka od kojih Naručilac zadržava 4 (četiri), a Dobavljač 2 (dva) primjerka.

JU OŠ „Hilmi ef. Šarić“ Tarčin

Direktor

Zineta Bajrić

Broj: 093-230/23

Datum, 18.04. 2023. godine

DOBAVLJAČ

Direktor

Broj:

Datum, 28.04. 2023. godine